

捨俗投玄悟道常迴心保護內容光鍊開萬古眞靈性不謝仙
花處處香

答人問三寶

古之三寶氣精神都會元田別有因光滿十方丹就也大羅天
上列仙眞

大眾求教 四首

道本無名絕外求靈臺丹谷細精搜五情六欲都消散萬道光
明顛倒流

大悟賢明事事除脫離塵網達元初三田靈寶光圓聚一派清
歌聒太虛

道藏輯要

雲光集

卷

胃集九
川子三

物情堆裏絕沈埋正覺心珠漸漸開照見本源清淨體悟眞達
本應仙材

全體光明合大丹沖和返老變童顏逍遙自在眞歡樂便覺昇
騰碧落間

趙德靜索

德靜心清樂出家頓更凡骨養丹砂玉堂結聚眞二寶產箇靈
童天外誇

贈楊殿試 二首

千古雲收朗太空先天眞瑞信忽忽內靈光散丹無漏一指清
虛大道通